



Inatsisartuni ilaasortaq, Nikolaj Jeremiassen, Siumut

**Namminersorlutik Oqartussat imaani isumannaallisaanermik, umiarsuarnik
nalunaarsuisarnermik inatsisinillu tamakkiisumik tigusineranni
aningaasartuutissat pillugit § 37 naapertorlugu apeqquteqaat nr. 2015-196-imut
akissut**

Brevdato: 13-04-2016
Sags nr.2015 - 8226
Dok. nr. 9417577

Asasara Nikolaj Jeremiassen,

Postboks 909
3900 Nuuk

Tlf.: (+299) 34 50 00

Fax: (+299) 32 52 86

E-mail: isan@nanoq.gl

www.naalakkersuisut.gl

Namminersorlutik Oqartussat imaani isumannaallisaanermik, umiarsuarnik
nalunaarsuisarnermik inatsisinillu tamakkiisumik tigusineranni aningaasartuutissat
pillugit Inatsisartut Suleriaasianni § 37 naapertorlugu apeqquteqaatinnut nassiussannut
qujanaq.

Ineqarnermut, Sanaartornermut Attaveqarnermullu Naalakkersuisoqarfiup
Imarsiornermut Aqutsisoqarfimmit allakkiaq ilanngunneqartoq, suliassaqarfinni
taaneqartuni Kalaallit Nunaannut tunngassuteqartunut aningaasartuutit
isumaqarfigneqartut missiliorneqarnerinut tunngasoq tiguaa.

Naalakkersuisoqarfimmit erseqqissaatigineqassaaq, aningaasartuutit allakkiami
nassuiaatigineqartut suliassat tiguneqassagaluarpata Kalaallit Nunaannut
amerlanerungaatsiartussatut naatsorsuutigineqarmata. Imarsiornermut Aqutsisoqarfiup
aningaasartuutit, Kalaallit Nunaannut tunngatillugu suliaqarnermut immikkut
attuumassuteqartutut inissinneqarsinnaasut kisiisa missiliorsimavai. Taamaattumik
Imarsiornermut Aqutsisoqarfiup aningaasartuutai aammalu Namminersorlutik
Oqartussat tigusissagaluarunik aningaasartuutissai imminnut atasariaqanngillat.
Tamatuma saniatigut kalaallit oqartussaasuisa Imarsiornermut Aqutsisoqarfiup
angisuunik ingerlataqarnerminni iluaqutissaasa assinginik iluaqutissaqarsinnaanissaat
naatsorsuutigineqanngilaq.

Neriuppunga matumani apeqqutit akisimassallugu.

Inussiamersumik inuulluaqqusillunga

Knud Kristiansen

ALLAKKIAQ

Imarsiornermut Aqutsisoqarfiup Kalaallit Nunaannut tunngatillugu aningaasartuutai

Eqikkaaneq

Namminersorlutik Oqartussat *imaatigut angallannermi isumannaallisaanermut* aamma *umiarsuarnik nalunaarsuinermit umiartornermullu inatsisinut tunngasunik* tiguisinnaanissamut aningaasartuutissanik nalilersueqqullugit qinnuigineqarput. Imarsiornermut Aqutsisoqarfiup Suliassaqarfinnut marluusunut taakkununga toqqaannartumik aningaasartuutai tunngavilerneqarsinnaasut 2014-imi 7,59 mio. koruuniusimapput.

Taakku saniatigut Kalaallit Nunaannut aningaasartuutit naatsorsorneqarsinnaanngitsut, kisiannili aqutsisoqarfiup suliaanut tamarmiusumut ilaatinneqartut ilaapput. Tamatuma saniatigut annikitsunik ingerlataqarnermi ajoqutit peqqutigalugit aningaasartuuteqarnissaq naatsorsuutigisariaqarpoq, Namminersorlutik Oqartussat Imarsiornermut Aqutsisoqarfittulli annertuunik ingerlataqarnermi iluaqutigisinnaasat amerlaqataannik pissarsisinnaanngimmata.

Akissuteqarnermut tunuliaqutaasoq

Namminersorlutik Oqartussani Ineqarnermut, Sanaartornermut Attaveqaatitigullu Naalackersuisoqarfiup Imarsiornermut Aqutsisoqarfik qinnuigaa, Inatsisartunut ilaasortat ilaata § 37 naapertorlugu apeqquteqaataata akissuteqarfiginissaanut ilanngussamik nassiusseqqullugit.

Apeqquteqartup Imarsiornermut Aqutsisoqarfiup *imaatigut angallannermi isumannaallisaanermut aamma umiarsuarnik nalunaarsuinermit umiartornermullu inatsisinut tunngasunik* suliaanik Namminersorlutik Oqartussat tigusaqassappata, aningaasartuutissat qanoq isikkoqarnissaat paaserusupaa.

Kisiannili Imarsiornermut Aqutsisoqarfik aningaasartuutit aalajangersimasut apeqqutigineqartut naatsorsornissaannut tunngavissaqanngilaq. Taamaattumik Ineqarnermut, Sanaartornermut Attaveqaatigiinnermullu Naalackersuisoqarfik isumaqatigiissuteqarfigineqarpoq, Kalaallit Nunaanni suliat, Namminersorneq pillugu inatsimmi taaneqartut Imarsiornermut Aqutsisoqarfiup akisussaaffeqarfigisai, immikkoortunut tallimaanut ukununga agguarlugit missiliorneqassasut.

1. Aqqartartoqarneq
2. Umiarsuit kiveqqasut, kiveqqasut allat itissutsimillu innarliinerit
3. Immani isumannaallisaaneq
4. Umiarsuarnik nalunaarsuinerit kiisalu imarsiornermi inatsisinut tunngasut
5. Angallatit aqqutaani nalunaaqutsersuisarnerit, naaralaartitsivinnik qaammaqqusersuisarnerit ilisimasortaqaartarnerillu

Imarsiornermut Aqutsisoqarfiup 2014-imi aningaasartuutai aallaavigineqarput, tassani Imarsiornermut Aqutsisoqarfiup aningaasartuutai katillugit 315 mio. koruunit¹ missiliorlugit amerlassuseqarsimallutik.

Aningaasartuutit tamarmiusut ilaat Kalaallit Nunaanni sulianut atorneqartarput, taakkununga ilaallutik inatsisissatigut piareersaateqarnernik suliaqarneq, nakkutilliinerit, akuersissutinik suliaqarnerit, aqutsineq, paasissutissanik nassiussuinerit il.il. Sulianit Kalaallit Nunaannut toqqaannartumik attuumassuteqartut ilaannaannut aningaasartuutit Imarsiornermut Aqutsisoqarfiup aningaasartuutaani takuneqarsinnaapput, suliat Kalaallit Nunaannut tunngassuteqartut Imarsiornermut Aqutsisoqarfiup nalinginnaasumik suliassaanut ilaatinneqarmata.

Assersuutigalugu inatsisinut piareersaatinut suliaqarnermut, nunanik allanik isumaqatiginninniarnernut kiisalu aqutsisoqarfiup maleruagassiaanik aqutsinerit aningaasartuutit toqqaannartumik Kalaallit Nunaannut tunngatillugu missiliorneqarneq ajorput. Akerliani suliat taamaattut tassaasinaapput suliat Kalaallit Nunaannut tunngasut, Danmarkimut atatillugu sulianut akuutinneqartut.

Taamaattumik sulianut taamatut ittunut Aqutsisoqarfiup piffissanik nalunaarsuinerani kiisalu naatsorsuuserinermi periusaanni Kalaallit Nunaat immikkoortinneqarneq ajorpoq. Matumani suliat pineqartut tassaapput Imarsiornermut Aqutsisoqarfiup Danmarkimi suleriaatsit atorneqartut tunngavigalugit ingerlatiinnarniagai, Namminersorlutik Oqartussat sulianik Kalaallit Nunaannut tunngasumik tigusissanersut tigusissannginnersulluunniit apeqqutaatinnagu.

Inatsisitigut piareersaatinik suliaqarnermut atatillugu Kalaallit Nunaannut tunngassuteqartoq ataasinnaavoq, tassalu kunngikkormiut peqqussutaannik assigisaannillu suliaqartarneq. Suliassarlu taanna suliassanik tiguneqassappat suliassanut ilaajunnaassaaq. Taamaalisoqassappat Kalaallit Nunaannut tunngatillugu inatsisissanut piareersaatinik suliaqarneq Kalaallit Nunaanni oqartussanit tiguneqassaaq.

Matuma kinguliani aningaasartuutit, suliassanut Kalaallit Nunaannut immikkut tunngassuteqartutut inissinneqarsinnaasut kisimik missiliorneqarput.

Tamanna pissutigalugu erseqqissaatigineqassaaq, Aqutsisoqarfiup aningaasartuutigisai aammalu Namminersorlutik Oqartussat tigusissappata aningaasartuutissat toqqaannartumik imminnut atassuteqartariaqanngimmata. Kiisalu Imarsiornermut Aqutsisoqarfik angisuunik ingerlataqarnermi iluaqutissanik peqarpoq, Kalaallit Nunaanni suliassat sulianut tamarmiusunut ilaatinneqarsinnaammata. Kalaallit Nunaanni oqartussat taamatut angisuumik ingerlataqarnermut iluaqutissanik pissarsisinnannissaat naatsorsuutigineqanngilaq.

Kiisalu erseqqissaatigineqassaaq, naatsorsuutiginnngisamik pisartut peqqutaallutik aningaasartuutit ilaat ukiumiit ukiumut allanngorartarmata, taakkunungalugu soorlu imaani ajutoornermut atatillugu aningaasartuutit imaluunniit atortunik nungullarsimasunik annertuumik taarsersuisarnermut aningaasartuutit ilaatinneqartarput.

2014-imi aningaasartuutissatut toqqaannartumik missiliorneqartut

1. Aqqartartoqarneq

¹ Najoqqutarisag: Imarsiornermut Aqutsisoqarfiup 2014-imut ukiumoortumik naatsorsuutai

Suliassaqarfimmi tassani inatsisissanik piareersaanermik suliaqarneq, nakkutilliineq uppersaatinillu tunniussisarneq pineqarput.

Aamma inatsisit tunngavigalugit suliffinnik, inuussutissarsiutigalugu aqqartartut sulialinnik nakkutilliineq aamma inuussutissarsiutigalugu aqqartartunut uppersaatinik tunniussisarneq aqqartartoqarnermi suliassanut ilaapput. Matumani kalaallit oqartussaasut suliassaqarfimmik tamatuminnga tigusissappata, tamatumunnga atatillugu aningaasartuuteqarnissaat naatsorsuutigineqarsinnaavoq. Kisiannili Imarsiornermut Aqutsisoqarfik suliassaqarfiit taakku nakkutilliinernit uppersaatinillu tunniussisarnernit immikkoortinneqarnissaannik pilersaaruteqanngilaq, taamaattumillu aningaasartuutit imarsiornermik isumannaallisaanermi sulianut allanut ilaatinneqarput.

2. Umiarsuit kiveqqasut, kiveqqasut allat itissutsimillu innarliinerit

Suliassaqarfimmi tassani umiarsuarnik kiveqqasunik kiveqqasunillu allanik imaatigut angallannermi ulorianaateqarsinnaasunik piaaneq kiisalu itissutsinik innarliinernit pillugit suliat pineqarput.

Imarsiornermut Aqutsisoqarfiup siusinnerusukkut Kalaallit Nunaanni imartani angallatinik kiveqqasunik piiiaanermut sulianik ingerlataqarnissaa pisariaqartinneqarsimanngilaq. Immat itinerat angallatillu killilimmik amerlassuseqarnerat tamatumunnga pissutaavoq. Itissutsimik innarliinernut sulianut Imarsiornermut Aqutsisoqarfik ilisimatinneqartillugu, ikkarluit siusinnerusukkut ilisimaneqarsimanngitsut immap assinganut nalunaarsorneqartarnerat ilaapput.

2014-imi aningaasartuutit tamarmiusut kiveqqasut pillugit sulianik itissutsinillu innarliinerit pillugit sulianik suliaqarnermut tunngasuupput. Suliassaqarfinnut aningaasartuutit ukiumiit ukiumut allanngorarput, assersuutigalugulu umiarsuarnik angisuumik umiusoqartillugu aningaasartuutit amerlanerungaatsiarsinnaapput.

3. Imaani isumannaallisaaneq

Suliassaqarfimmi tassani inatsisissanik piareersaanermik suliaqarneq, nakkutilliineq akuersissutinillu tunniussisarneq, aammalu paasissutissanik tunniussisarneq pineqarput.

Inatsisissanik piareersaatinik suliaqarnermi imaatigut angallannermut isumannaallisaanissamut inatsisit, suliffimmi avatangiisinut maleruagassanik aalajangersakkani, umiarsuit aammalu imaatigut angallannermut isumannaallisaanermut maleruagassanik imaqartut pineqarput. Taakku saniaatigut umiarsuarni inuttaat pillugit inatsisit pineqarput.

Nakkutilliinermi suliassat misissuinernut, akuersissutinik tunniussisarnermut naalagaaffiillu umiarsualiviini misissuinernut tunngasuupput. Suliassallu ilaatigut pineqartut tassaapput piffissalikkamik inatsisitigut pisussaaffeqarfiusumik umiarsuarnik usisaatinik, aalisariutinik ilaasartaatinillu misissuisarnerit, akuersissutinik tunniussisarnerit nutarterinerisarnerillu kiisalu innuttaasunit suliffinnillu saaffiginnissutinik isumagisaqarnerit. Umiartornermut Aqutsisoqarfik Nuummi allaffeqarpoq, allaffillu Kalaallit Nunaat pillugu aningaasartuutit naatsorsornerini, allakkiami matumani kingulliullugit allattorneqartuni suliaqarnermut ikiuuttarpoq.

Akuersissutinik tunniussisarnermut nakkutilliinermullu aningaasartuutinit ikinnerusut akitsuutitigut aningaasalorsorneqarput. Akitsuutinit taakkunannga isertitat (170.000 koruunit) takussutissiami ilanngaatineqarput, taamaattumillu tassani aningaasartuutit ilanngaasereerlugit allassimapput.

Umiarsuit angallannerinut paasissutissiisarnermi *sinerissamik nakkutilliineq* aamma *mianersoqqussutit* aamma *imaatigut angallannermut paasissutissat* pineqarput.

Sinerissamik nakkutilliinermi umiarsuit, SOLAS-imut isumaqatigiissut naapertorlugu Kalaallit Nunaata imartaani angalanerminni sumiiffimminnik nalunaartussaataasut nalunaarutaat nunami tigooqqarneqartarput. Umiarsuit Kalaallit Nunaanni umiarsualiviit akornanni angalasartut ilaat radiokaldesignali atorlugu sumiiffimminnik Sinerissami Nakkutilliivimmuut nalunaaruteqartarput. Ajornangippat teknikikkut ineriartornerup kingunerisaanik suliassap taamatullu tassunga aningaasartuutit ukiuni qaninnerni ilaatigut tamanna pillugu IMO-mut isumaqatiginninniarnertit aqputigalugit ingerlanneqarnissaat naatsorsuutigineqarpoq.

Kiisalu Imarsiornermut Aqutsisoqarfiup *mianersoqqussutit* aamma *angallannikkullu paasissutissat* aamma radiokaldesignalit aqputigalugit umiarsuarnut angallattunut nassiuttarpai. Suliaq Kalaallit Nunaata kitaata sineriaani aallakaatitsivinnit NAVTEX-inik taaneqartunit pingasuusunit isumagineqarpoq. Kitaata sineriaani aallakaatitsiviit pingasuusut ingerlanneqarnerat aserfallatsaalineqarnerallu Tele Greenland A/S-ip Imarsiornermut Aqutsisoqarfiup akiluteqartarneratigut isumagineqarput.

NAVTEX-ip Islandimit pigineqartup atorneqarnissaa pillugu Imarsiornermut Aqutsisoqarfiup Islandillu akornanni isumaqatigiissut naapertorlugu Kalaallit Nunaata kangiani suliassaq isumagineqarpoq. Nalunaarutit tigusisarneq, mianersoqqussutit aqquissuineq aallakaatitsisarnerlu Issittumi Sakkutooqarfimmit ingerlanneqarpoq, taassumalu Imarsiornermut Aqutsisoqarfimmut isumaqatigiissut naapertorlugu suliassat naammassineqarnissaat isumagisaraa.

Isumaqatigiissutit pingasuusut taakku Imarsiornermut Aqutsisoqarfik aningaasartuuteqartarpoq, taakkulu allakkiap naanerani takussutissiamut ilaapput. Kisiannili sullississutit siunissami qaninnermi teknologiinik nutaanerusunik taarserneqarnissaat ilimanarpoq, taamaattumillu aningaasartuutaasartut peersinnaanerit ilimagineqarsinnaavoq.

Kiisalu Imarsiornermut Aqutsisoqarfik Kalaallit Nunaanni AIS atorlugu nakkutilliinerup² ingerlanneqarneranut 0,4 mio. koruuninik aningaasartuuteqartarpoq. Suliassaq taanna inatsisitigut pisussaafeqarfiunngilaq, taamaattumillu matuma kinguliani naatsorsukkanut ataatsimoortunut ilaatinneqanngilaq.

4. Umiarsuarnik nalunaarsuinerit kiisalu imarsiornermi inatsisinut tunngasut

Suliassaqarfimmi tassani umiarsuarnik nalunaarsuinerit, inatsisissanik piareersaanermi suliat aammalu imarsiornermut inatsisit tunngavigalugit aqutsineq, kiisalu umiarsuit sillimmaserneqartarnerinut piumasaaqatit malillugit akuersissuteqartarpoq pineqarput.

Umiarsuarnik nalunaarsuisarneq piumasarineqartut tunngavigalugit naammassineqartussaavoq, taamaallillunilu umiarsuit inummut suliffeqarfimmulluunniit pigisatut aalaakkaasutut inissinneqartarpoq. Umiarsuaq nalunaarsorneqarpat, ilaatigut umiarsuaq qularnaveeqqutit atorneqarsinnaalisaaq.

² Automatic Identification System tassaavoq, imarsiornermut radio, imarsiornermi umiarsuarnik immikkoortunillu allanik nammineerluni ilisarinnittartoq.

Imarsiornermut Aqutsisoqarfimmut tunngatillugu umiarsuarnik nalunaarsuisarneq erfalasuliinermut erfalasumillu peersinermut atatillugu inatsisitigut allaffissornikkullu sullissinermik, kiisalu tamanna pillugu umiarsuaatileqatigiiffinnik oqaloqateqarnermik kinguneqartussaavoq. Tamatumunnga aningaasartuutit missiliukkanut³, allakkiap naanerani takussutissiamut ilaasunut kalaallit umiarsuaannut tunngatillugu immikkoortillugit inissinneqarsinnaapput.

Imarsiornermi inatsisissanik piareersaanermut aningaasartuutit il.il. Kalaallit Nunaannut immikkut tunngasuunngillat, taamaattumillu takussutissiami matuma kingulianiittumi tamatumunnga aningaasartuutit toqqaannartumik missiliorneqanngillat.

Kiisalu Imarsiornermut Aqutsisoqarfik danskit umiarsuaataannut arlalinnut akuersissummik tunniussaqqartarpoq, umiarsuit ukununnga akisussaaffeqarfiusunut sillimmasiinissamut pisussaaffimminnik naammassinnissimaneranut uppersaatit:

- ilaasunut akisussaaffeqarneq
- kivinikunik piiaanissaq
- angallatit orsussaasa mingutsitsinerat
- umiarsuit ikummatissanik angallassisartut mingutsitsinerat

Akuersissutit nunat tamat isumaqatigiissutaanni maleruagassat malillugit tunniunneqartarput, taak-kunanilu aamma angallatit orsussaasa mingutsitsineranut umiarsuillu ikummatissanik assartuisut mingutsitsineranut akisussaaffiit Kalaallit Nunaannut atuuttussanngortinneqarlutik akuerineqar-simapput. Kisiannili Imarsiornermut Aqutsisoqarfik kalaallit umiarsuaannut akuersissutinik tunni-ussisarnermut aningaasartuuteqarneq ajorpoq, maannarpiaq kalaallit umiarsuaat akuersissutinik taa-maattunik tunniussiffigineqarnissamut naammattumik angissusilinnik ilaqanngimmata. Kiisalu akuersissutinik tunniussisarneq akitsuutit aqqtigalugit aningaasalersorneqarpoq.

5. Angallatit aqputaani nalunaaqutsersuisarnerit, naaralaartitsivinnik qaammaqusersuisar-nerit ilisimasortaqqartarnerillu

Suliassaqqarfimmi tassani pituffinnik, naaralaartitsivinnik il.il. nalunaaqutsersuisarnerit, kiisalu ilisi-masortaqqartarnermik nakkutilliinermut akuersissutinullu tunngatillugu suliassat pineqarput.

Imarsiornermut Aqutsisoqarfik Kalaallit Nunaani imaani nalunaaqutsersuutinik (pituffinnik putta-sunik) ikkussuineq ajorpoq. Tamatumunnga taarsiullugu nalunaaqutsersuisarnermi naaralaartitsiviit, imarsiortunut nalunaaqutsiussat RACON-illu (naaralaartitsiviit radarikkut akisartut, umiarsuit rada-riinit maligaasanit aallartinneqartartut) atorneqarput. Kalaallit Nunaani maannarpiaq naaralaar-titsiviit 63-iupput, imarsiortunut nalunaaqutsiussat 540-iullutik aammalu RACON-it 21-iullutik.

Erseqqissaatigineqassaaq, Imarsiornermut Aqutsisoqarfik imaani nalunaaqutsersuisarnermi naliler-sueqqinnermik suliaqarmat, tamannalu ukiuni qaninnerusuni aningaasartuutit allanngornissaat naat-sorsuutigineqarmat.

Imarsiornermut Aqutsisoqarfik nakkutilliinermut aammalu ilisimasortaqqarnissamut akuersissutinut aningaasartuuteqarneq ajorpoq, suliassaqqarfik akitsuutit aqqtigalugit aningaasalersorneqarmat.

³ Imarsiornermi Aqutsisoqarfimmi ukioq naallugu atorfiit Umiarsuarnik Nalunaarsuisarfimmi 11-iupput. 2012-14-umut paasissutissani takuneqarsinnaavoq, nalunaarsukkat 5 %-ii umiarsuarnut Kalaallit Nunaani angerlarsimaffeqartunut tunngasuusut.

Erseqqissaatigineqassaaq, aatsaat 2016-imi juulimiit Kalaallit Nunaanni umiarsuit ilaasartaatit, 250-iniit amerlanerusunik ilaasoqarsinnaasut ilisimasortaqaqnissaannut piumasaqaat atuutilertussaammat.

Ataatsimut naliliinerit

Oqaatigineqareersutut aningaasartuutit missiliorneqartut taamaallaat sulianut, Kalaallit Nunaannut attuumassuteqartunut tunngasuupput. Aningaasartuutit 2014-imi kisitsisit tunngavigalugit suliareqarput.

Imarsiornermut Aqutsisoqarfiup 2014-imi immikkoortuni tallimani Kalaallit Nunaannuinnaq aningaasartuutigisinnaasaanut tunngatinneqarsinnaasut missiliorneri

Suliat	Aningaasartuutit ⁴ (mio.kr.)
Aqqartartoqarneq	-

Umiarsuit kiveqqasut, kiveqqasut allat, itissutsimillu innarliinerit	0,01
- Suliaqarnerit	0,01

Imaani isumannaallisaaneq	7,20
- Misissuinerit, akuersissuteqartarnerit naalagaaffiillu umiarsualiveqarfiusut misissuisarnerat ⁵	3,53
- Sinerissamik nakkutilliineq	0,80
- Mianersoqqussutit umiarsuillu angallannerini paasissutissiisarneq	2,87

Umiarsuarnik nalunaarsuinerit kiisalu imarsiornermut inatsisinut tunngasut	0,39
- Umiarsuarnik nalunaarsuinerit	0,39

Nalunaaqutsersuisarnerit, naaralaartitsivinnik qaammaqqusersuisarnerit ilisimasortaqaqartarnerillu	3,04
- Naaralaartitsivinnik ingerlatsineq	2,26
- Imarsiortunut nalunaaqutsersuutunik ingerlatsineq	0,67
- RACON-inik ingerlatsineq	0,11

Katillugit	10,64
-------------------	--------------

Inerniliineq

Matuma siuliani takuneqarsinnaasutut suliassaqaarfiit *imaani isumannaallisaaneq* kiisalu *umiarsuarnik nalunaarsuineq* aamma *inatsisit imarsiornermut tunngasut* Namminersorlutik Oqartussanut missiliorneqaqqullugit qinnutigineqartut tiguneqassappata, 7,59 mio. koruuninik aningaasartuuteqarfiussapput, kiisalu aningaasartuutissat toqqaannartumik tunngavilerneqarsinnaasut tamarnik 10,64 mio. koruuninut missiliorneqarput. Aningaasat taakku nalornissuteqarfiusunut, pingaartumik aningaasartuutitut, ullumikkut Imarsiornermut Aqutsisoqarfimmit Kalaallit Nunaannut immikkut

⁴ Ukioq naallugu sulisorisat nalinginnaasut, ilaatigut Inuussutissalerinerimut Ineriartortitsinermullu Ministereqarfimmit aamma Aningaasaqarnerimut Ministereqarfimmit atorineqartut matumani pineqarput, tassalu ukiumut nal. ak. 1500-t, overhead ilanngullugu 0,7 mio. koruuninik aningaasartuuteqarfiusut.

⁵ Aqqartartoqarnerimut inatsit naapertorlugu nakkutilliineq ilaatinneqarpoq, tak. imm. 1, Aqqartartoqarneq

naatsorsuusiorfigineqarneq ajortunut atasutut isigineqassapput. Taamaattumik Namminersorlutik Oqartussat suliassaqarfinnik pigineqartut tiguseranni aningaasartuutissat amerlanerunissaat ilimanarpoq.



Inatsisartuni ilaasortaq, Nikolaj Jeremiassen, Siumut

Namminersorlutik Oqartussat imaani isumannaallisaanermik, umiarsuarnik nalunaarsuisarnermik inatsisinillu tamakkiisumik tiguseranni aningaasartuutissat pillugit § 37 naapertorlugu apequteqaat

Brevdato: 19-08-2015
Sags nr. 2015-116695
Dok. nr. 2027876

Asasara Nikolaj Jeremiassen.

Postboks 909
3900 Nuuk
Tlf.: (+299) 34 50 00
Fax: (+299) 32 52 86
E-mail: isan@nanoq.gl
www.naalakkersuisut.gl

Namminersorlutik Oqartussat imaani isumannaallisaanermik, umiarsuarnik nalunaarsuisarnermik inatsisinillu tamakkiisumik tiguseranni aningaasartuutissat pillugit apequtinnut, Inatsisartut Suleriaasianni § 37 naapertorlugu nassiussannut qujanaq.

Maannarpiaq imaani isumannaallisaanermik, umiarsuarnik nalunaarsuisarnermik suliaasaqarfimmullu inatsisinik tiguseranni aningaasartuutissat Namminersorlutik Oqartussanut qanoq amerlatigissanersut misissueqqissaarnernik peqartoqanngilaq. Suliaasaqarfinnik pineqartunik tigusernermut atatillugu misissueqqissaarnissaq piffissamik annertuumik atuiffiusussaavoq aningaasartuuteqarfiungaatsiarlunilu. Taamaattumik maannarpiaq aningaasartuutaasinnaasunik eqqortumik eqqoriaasoqarsinnaanngilaq.

Tamassunga atatillugu oqaatigineqartariaqarpoq Ineqarnermut, Sanaartornermut Attaveqaqatigiinnermullu Naalakkersuisoqarfiup Imarsiornermut Aqutsisoqarfik pitsaasumik pilersitsiviusumillu suleqatigimmagu. Matumani oqaatigineqarsinnaavoq, Kalaallit Nunaata imartaani angallannermut isumannaassuseq tassani suliniuteqarfiit annertuut ilagimmassuk.

Naalakkersuisoqarfiup Imarsiornermut Aqutsisoqarfik attaveqarfigissavaa, aammalu suliaasaqarfinni pineqartuni Kalaallit Nunaannut tunngatillugu aningaasartuutigisartakkatut missiliukkaminik nassiusseqqullugu qinnuigalugu. Taakku tiguneqariarpata erngerlutik ingerlateqqinneqassapput.

Neriuppunga matuma siuliani akissutinni apeqqutitit akisimassallugit.

Inussiarnersumik inuulluaqqusillunga

Knud Kristiansen